

**Razvojna banka Federacije
Bosne i Hercegovine
Predsjednik Uprave**

Broj: 8671-IX/19
Sarajevo, 04.11.2019. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 8656-IX/19 od 24.4.2019. godine i člana 20. Statuta Razvojne banke Federacije Bosne i Hercegovine, u postupku nabavke robe-promotivnog materijala s logom Razvojne banke Federacije BiH, Predsjednik Uprave Razvojne banke Federacije BiH donosi

ODLUKU

o izboru najpovoljnijeg ponuđača u postupku javne nabavke promotivnog materijala s logom Razvojne banke Federacije BiH

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 8656-IX/19 od 04.11.2019. godine i ugovor za nabavku robe- promotivnog materijala s logom Razvojne banke Federacije BiH dodjeljuje se ponuđaču R&S d.o.o. Sarajevo, Igmanska b.b., Sarajevo, Vogošća, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena robe iz člana 1. ove odluke, iznosi 7.811,90 KM bez PDV-a, što u konačnici, s uračunatim PDV-om, iznosi 9.139,93 KM.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke promotivnog materijala s logom Razvojne banke Federacije BiH broj 8061-IX/19 od 11.10.2019. godine, odobreno je pokretanje postupka predmetne nabavke za potrebe Razvojne banke Federacije BiH. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 8.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 15.10.2019. godine, broj obavještenja: 1011-7-1-650-3-30/19.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je evidentirano da je pristiglo 5 (pet) ponuda kako slijedi:

R. Br.	Naziv i sjedište ponuđača	Datum i sat prijema ponude	Cijena ponude bez PDV-a (u KM)	Popust (u KM)	Ukupna cijena ponude bez PDV-a (u KM)
1.	Murix d.o.o. Jelah-Tešanj, Husein-kapetana Gradaševića b.b. Jelah, Tešanj	24.10.2019. u 12:20 h	9.228,00	0,00	9.228,00
2.	EXCLUSIVE d.o.o. Zenica, ul. Armije BiH br. 6, Zenica	28.10.2019. u 10:14 h	8.673,20	0,00	8.673,20
3.	R&S d.o.o. Sarajevo, Igmanska b.b., Sarajevo, Vogošća	28.10.2019. u 10:50 h	7.811,90	0,00	7.811,90
4.	GRAFIKON d.o.o. Sarajevo, Grbavička br. 30, Sarajevo	28.10.2019. u 10:35 h	7.999,20	0,00	7.999,20
5.	Print-GS d.o.o. Travnik, Slimena b.b. Travnik	28.10.2019. u 11:20 h	8.030,00	0,00	8.030,00

Na osnovu izvršene analize i ocjene pristiglih ponuda, Komisija je utvrdila sljedeće:

- **Ponuda ponuđača MURIX d.o.o. Jelah-Tešanj nije prihvatljiva iz sljedećih razloga:**

- Ponuđač nije dostavio popis dokumentacije – sadržaj ponude potpisan i ovjeren pečatom ponuđača,
- Ponuđač nije dostavio popunjen obrazac za ponudu u skladu sa formom datom u aneksu II-dostavljen je djelimično popunjen obrazac.

Naime, tačkom 17. tenderske dokumentacije definisano je da ponuda treba sadržavati popis dokumentacije koja je priložena uz ponudu-sadržaj ponude potpisan i ovjeren pečatom ponuđača.

Članom 58. Zakona o javnim nabavkama, stav (1) tačka (i) definisano je da ponuda obavezno sadrži popis dokumentacije priložene uz ponudu, a što je deifinisano i članom 9. stav (2) tačka (j) Uputstva za pripremu modela tenderske dokumentacije i ponuda.

Imajući u vidu prethodno navedeno, a u skladu sa članom 68. stav (4) tačka i) Zakona o javnim nabavkama, ponuda nije prihvatljiva jer ista nije potpuna i ne ispunjava zahtjeve iz tenderske dokumentacije.

- **ponuda ponuđača R&S d.o.o. Sarajevo je prihvatljiva i ispunjava sve zahtjeve iz tenderske dokumentacije,**

- **ponuda ponuđača EXCLUSIVE d.o.o. Zenica je prihvatljiva i ispunjava sve zahtjeve iz tenderske dokumentacije,**

- **ponuda ponuđača GRAFIKON d.o.o. Sarajevo nije prihvatljiva iz sljedećih razloga:**

- Navedeni ponuđač je dostavio dokument-spisak izvršenih ugovora, u kojem nisu navedeni izvršeni ugovori, nego određeni broj pravnih lica.
- Navedeni ponuđač je dostavio:
 - 1) potvrdu izdatu od strane pravnog lica Zavod za vaspitanje muške djece i omladine Sarajevo- u istoj se navodi da je Grafikon d.o.o. uspješno izvršio isporuku kancelarijskog materijala, školskog pribora i kompjuterske opreme u vrijednosti 13.917,82 KM. Nije razdvojeno koji iznos se na koju nabavku odnosi.
 - 2) potvrdu izdatu od strane pravnog lica Baunit d.o.o. u kojoj je navedeno da je firma Grafikon d.o.o. u periodu 2017-2019 ostvarila promet uredskog materijala u iznosu 19.438,33 KM bez PDV-a.

S obzirom da je tačkom 14.1.tenderske dokumentacije traženo da su ponuđači dužni ispunjavati sljedeći uslov:

a) da imaju uspješno iskustvo kao samostalnog ugovarača u realizaciji najmanje jednog ugovora koji je u vezi sa predmetom nabavke za period ne duži od dvije godine, računajući od dana dostavljanja ponude ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od dvije godine, s minimalnom

vrijednošću 8.000,00 KM bez PDV-a ili više ugovora zbirne vrijednosti od minimalno 8.000,00 KM bez PDV-a, a da je predmet nabavke „Promotivni materijal s logom Razvojne banke Federacije BiH“ Komisija je stava da se izdate potvrde odnose na isporuku robe koja nije u vezi s predmetom nabavke. Također, u izdatoj potvrdi od strane pravnog lica Baunit d.o.o. naveden je period izvršenja 2017-2019 iz čega proizilazi da se vrijednost navedena na potvrdi može odnositi na period duži od traženog u tenderskoj dokumentaciji (2 godine, računajući od dana dostavljanja ponude ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od dvije godine, što bi značilo da se period može računati od 28.10.2017. godine).

Imajući u vidu prethodno navedeno, a u skladu sa članom 68. stav (4) tačka i) Zakona o javnim nabavkama, ponuda nije prihvatljiva jer ista nije potpuna i ne ispunjava zahtjeve iz tenderske dokumentacije.

- Ponuda ponuđača Print-GS d.o.o. Travnik nije prihvatljiva iz sljedećih razloga:

- Navedeni ponuđač nije ispunio Obrazac za cijenu ponude kako je traženo tačkom 25. tenderske dokumentacije. Tačkom 25. tenderske dokumentacije definisano je da su ponuđači dužni dostaviti popunjen obrazac za cijenu ponude u skladu sa zahtjevima koji su definisani. Ponuđač je dostavio obrazac za cijenu ponude u kojem nije ispunio kolonu „Ponuđeni artikl, naziv, marka ili zemlja porijekla“.

Imajući u vidu prethodno navedeno, a u skladu sa članom 68. stav (4) tačka i) Zakona o javnim nabavkama, ponuda nije prihvatljiva jer ista nije potpuna i ne ispunjava zahtjeve iz tenderske dokumentacije.

Tačkom 23. tenderske dokumentacije predviđeno je provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16). Predviđeno je da će e-aukcija trajati 10 minuta.

Za prethodno navedene ponuđače koji su dostavili prihvatljive ponude zakazana je e-aukcija za ponedjeljak 04.11.2019. godine sa početkom u 10:00 h.

1. Rangiranje prihvatljivih ponuda prema kriteriju za izbor ponude nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM
1.	R&S d.o.o. Sarajevo	7.811,90
2.	EXCLUSIVE d.o.o. Zenica	8.673,20

Na e-aukciji, održanoj 04.11.2019. godine sa početkom u 10:00 h i trajanju 10 minuta, nije bilo podnošenja novih ponuda, odnosno, cijene ponuda su ostale iste onima navedenim u originalnim ponudama, s tim da je ukupna vrijednost ponude ponuđača EXCLUSIVE d.o.o. Zenica viša od obezbijđenih sredstava za predmetnu nabavku.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima i uslovima iz tenderske dokumentacije.

Imajući u vidu sve prethodno navedeno, a prvenstveno da je ponuda ponuđača R&S d.o.o. Sarajevo u iznosu 7.811,90 KM bez PDV-a, nakon provedene e-aukcije, prema kriteriju za izbor ponude (najniža cijena) ocijenjena najpovoljnijom, te ispunjava uslove i zahtjeve predviđene konkurentskim zahtjevom za dostavu ponuda, a da je cijena ponude ponuđača EXCLUSIVE d.o.o. Zenica viša od obezbijedenih sredstava za predmetnu nabavku, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



Predsjednik Uprave

Salko Selman

Dostaviti:

- Učesnicima u postupku